



SETLHA SA TLHOLEGO 3

THAPELO YA NTLHA YA YUKARISTE YA SETLHA SA TLHOLEGO

Morena a nne le lona

Mme a nne le wena

Tlhatlosang dipelo tsa lona

Re ditlhatlosetsa Morena

A re lebogeng Morena Modimo wa rona, Modimo wa rona wa tlhologo yotlhe

Go a tshwanela go mo naya ditebogo le pako.

O ne wa bua lefoko mme tsotlhe mo legodimong le mo lefatsheng tsa tlhologa. Mowa wa gago o ne wa phaphalala go dimo ga tlhaka tsa tlhologo kwa tshimologong mme wa tsweletsa botshelo ka popego ya bosenangpalo go akaretse lefatshe le la rona le le matsema le rona mo gareng ga tse di agileng foo.

Jaaka go go fetileng go le fo go wena, ka jalo tsholofelo ya bokamoso jwa rona e ntse fo go wena.

Jaaka re furaletse 'tsela tsa gago, re boa gape re retologela kwa bothithong jwa lerato lwa gago. Ka ntlha ya gago dilo tsotlhe di tlisitswe mo botshelong jo bo ntšhwa.

(Diketapele tse siameng) Mme jaanong re go naya ditebogo ka ntlha ya kgalalelo ya gago e e leng mo tlhologong eo e beilweng mo tlhokomelong ya rona le ka go abelana le humo le le batho botlhe ba gago.

Jaanong ka dikgakgamatso tsa tlhologo le dipako go dibopiwa tsotlhe tsa gago kwa legodimong le mo lefatsheng, re go baka jaanong le ka metlha re re:

O boitshepo, o boitshepo Morena Modimo wa rona

Legodimo le lefatshe di tletse kgalelo ya gago

Hosana kwa godimodimo

Gosego yo o tlang ka leina la Morena

Hosana kwa godimodimo

Ka bosigo joo Jesu o okilweng ka jone, o ne tsaya bogobe, tiro ya diatla tsa batho, neo ya lefatshe la rona, a neela ditebogo go Modimo. O robile bogobe go bua le rona ka ga go robagana mmele wa gagwe mo sefapanong. A bo neeya barutwana ba gagwe a re:

“Tsayang mme lo je, go nne se ke mmele wa me o newang ka ntlha ya lona. Dirang se go nna segopotso sa me.”

A tsaya senwelo, tiro ya diatla tsa batho, neo ya lefatshe la rona mme a neela ditebogo go Modimo, motlhodi wa rona. O tsholotse weine go bua le rona ka ga go tshololo ya madi a gagwe. A naya barutwana ba gagwe a re: “ A ke madi a me a kgolagano e ntšhwa a tshololetsweng lona le tiholego yotlhe ka ntlha ya boitshwarelo jwa dibe. Nako nngwe le nngwe fa lo nwa mo weineng e, dirang se mo kgopotsong ya me.”

Ka jalo re phatthalatsa bosaitsiweng jwa tumelo

Kreste o sule

Kreste o rudile

Kreste o tla tla gape’

Ke gone Modimo, rona bao re batlang poelano; rona bao re tlhokang poelano le bangwe ka rona; rona bao re solofelang poelano le popego yotlhe, re atamela masaitsiweng a.

Mo go robiweng, go phatthalatswa le go bolokwa, botshelo bo tswetse pele. Ka go rojwa, go na le go go bulegileng; mo go phatthalatsweng, go na le modi wa go arogana; mo losong le polokong; go na le peo ya botshelo jo bo ntšhwa jo bo tlang.

Fa re lebelela lefatshe la rona, mo matshelong a rona, le mo teng ga dipelo tsa rona mo gotleng gape ga ga gwe, re bee gaufi le pono e re e boneng. Ka ga go neya bogobe le weine, re golagantshe le lefatshe la rona mme o re neye gorobagana go le gongwe, phatthalalo e kopaneng le tsogo ya loso eo ka yone re ka bolelang tiholego ya gago mme re diragetse thato ya gago.

Romela mo go rona le mo tiholegong yotlhe ya gago, mowa o o neyang botshelo oo kwa tshimologong o tsamaileng go dimo ga boteng jwa metsi. Tsosa mo go rona botlhagatlhaga mme o rekolole boikanyologo. Re tlise mmogo le wena ka ntlha ya mmele le madi a morwao, lefoko la gago le diragetse nama jaaka lefoko la gago le dirilwe nama.

Ka ene, le ka ga ene, le mo go ene, mo kopanong ya mowa wa gago wa tiholego le tsotlhe tse di dirilweng, tse di leng le tseo di tlileng go nna mo lebopong lwa gago, re ema fa pele ga gago mme re a go baka, Modimo wa dilo tsotlhe, mo dipakong tsa kagiso e nnetseng ruri.

Tshegofatso le tlotlo le kgalalelo le thata e nne tsa gago ka metlha le ka metlha. Amen.

Thapelo ya Morena

Amen Tshegofatso ya go feleletsa

Tswelang kwa ntle mo lefatsheng ka tumiso,

Mme lo kgatlhaneng le motlhodi yoo o letileng go lo kgatlhantsha koo; Utlwelela lonko lwa khumo le go farologana ga one mme lo tsheleng jaaka bao ba rorisang Modimo ka ntlha ya bogolo le bontsintsi; mme tshegofatso ya Modimo motlhodi wa rona, rara yo o nnetseng ruri, morwa yo o rudileng le tsholofelo ya go tla ga mowa o o boitshepo e le tshegofatse go re lo tle lo nne tshegofatso go ba bangwe gompiano le ka metlha.

BEKE YA NTLHA: BOLEBELEDI

Mo bekeng e, re akanya ka kebelelo le go lebogela dikungo tsa Lefatshe. Re lemoga fa re bileditswe go dira ka Lefatshe le go le ela tlhoko.

Altara e ka kgabisiwa ka maungo, merogo, le dijalo dingwe.

Bana ba sekolo sa Sontaga ba ka taka ditshwantsho ka ga bontle jwa lefatshe.

TSHIMOLOGO:

“Modimo wa leba tsotlhe tse o di dirileng, wa fitlhela di le molemo, di le molemo thata”

BOIKWATLHAO:

Akanyang ka moo re paletsweng ke go tlhokomela Popo ya Modimo ka teng: kgotlelego, tshenyo, tiriso e e feteletseng ya dikungo, jalojalo..

KOLEKE:

Morena Modimo,

Monei le Motshegetsi wa botshelo,

O re neile boikarabelo jwa tlhokomelo ya Popo ya gago:

Re thuse go arabela pitso eo ya go nna batlhokomedi le bafodisi ba Lefatshe,

Ka Jesu Keresete Morena wa rona, Amen.

Genesi 1:26-31 le Genesi 2: 1-15	Modimo o beile Atama le Efa mo polaneteng ya Tshimo, go dira mo go yona, le go e tlhokomela.
Pesalome 24	Lefatshe ke la Morena le tsotlhe tse di mo go lone. Ga e se la rona.
Ditiro 17:24- 28	Modimo Mmopi wa rona ke Morena wa Legodimo le Lefatshe . Lefatshe lotlhe, e seng boago jwa Kereke fela, le tletse ka bogône jwa Modimo.
Matheo 21:33-46	Modimo mong wa mmu, o re letlelela go dirisa Tshimo ya gagwe,- a mme re tla tshwana le barapiwa ba ba batlang go itseela thobo yotlhe fela re nnosi?

BEKE YA BOBEDI: METSI

Mo bekeng e, re gopola fa metsi a itshepisiswe, gape re tlhatlhanya ka go tlhabela ga tshiamiso ya metsi mo loagong lwa rona.
Aletara e ka kgabisiwa ka dijana tsa metsi.
Tirelo-Modimo e felelediwa ka go kgatsiwa ga phutego ka metsi jaaka segopodiso sa maikano a kolobetso ya rona.
Bana ba sekolo sa Sontaga ba ka etelela mokoloko o o tswang pele, e le sekao sa gore ga e se kgale ba kolobeditse.

TSHIMOLOGO

Noka ya Modimo e penyologa ka metsi.

BOIKWATLHAO

Re ipolela fa nako dingwe re ile ra dirisa metsi botlhaswa le go a kgohlhela, re sa lemoge gore metsi a itshepisiswe. Re itlhokomositse bao ba tlhokang metsi le kgelelo ya leswe.

KOLEKE

Morena Modimo,
ka metsi o senola dineo tsa Mowa wa gago.
Re neele tlotlo e e boteng ya metsi a gago a bophelo,
gore re nwe ka botlalo dimpho tsa Mowa wa gago o neelang botshelo.
Ka Jesu Keresete Morena wa rona. Amen.

Jeremia 2:1-13	Re ganne metsi a phelang a Modimo, mme ra itlhophela medingwana ya diseto ya dikhumo - ka jalo ra senya lefatshe.
Pesalome 107:33-38	Metsi a bophelo a leretse bao ba tshwerweng ke tlala tshegofatso le dijo.
Bahebera 10: 19-25	Maatla a phepafatsang a metsi a Modimo.
Matheo 3: 13-17	Jesu o ne a kolobediwa mo nokeng ya Joretane- seo se kaya eng go rona ba re amogetsweng jaaka maloko a lelapa la Modimo ka metsi?

BEKE YA BORARO: LEFATSHE

Re lebogela lefatshe leo le ntshang dijo tsa rona, re lemoga le botlhoko jwa bao ba latlhegetsweng ke lefatshe mme ba le mo kutlobothong ka ntlha ya go senngwa ga lefatshe.
Bogobe jo bo sa tswang go apewa bo ka dirisiwa mo tirelong ya gompiono.
Bana ba ka taka ditshwantsho tsa batho ba ba dirang ka lefatshe, diphologolo le dimela tse di tlhogang mo go lone.

TSHIMOLOGO

Ke lo tlisitse mo lefatsheng le le nonneng gore lo je maungo a lone le dikungo tse di molemo tsa lone. {Jer. 2:7(a)}

BOIKWATLHAO

“mme e rile lo sena go tsena, lwa itshepolola boswa jwa me, lwa fetola lefatshe la me maila” {Jer 2:7(b)}

Re ipolela fa re dirisitse lefatshe botlhaswa, ra dirisa dibolaya-ditshenekegi go feta tekano, dinontsha-mmu tsa maitirelo, go fula go go feteletseng, leswe, jalo-jalo...

KOLEKE

Morena Modimo.

O kgathalela lefatshe le phologolo le moeng,

mme o re biletsa go nna motlhofo le go duduetsa.

Bula dipelo le dikakanyo tsa rona go itse botlhale jwa ditsela tsa gago,

gore lefatshe le tle le ntshafadiwe

mme popo yotlhe e keteke botlalo jwa yona

Go isa kgalalelong ya Leina la gago.

Amen.

Ekeshodu 23: 10-13	Lefatshe le tshwanetse go nna fela le sa lengwe gore le boele mannong. Re tshwanetse go direla batlhoki le diphologolo tsa naga tsela ya go phela.
Pesalome 65: 1-13	Bontle jwa lefatshe bo senola kgalalelo ya Modimo.
Jakobe 5:4-14	Modimo o utlwa selelo sa badiri ba dipolasi ba ba tshwereng makgwakgwa.
Matheo 20: 1-16	Modimo o kgathalela ditlhokego tsa modiri.

BEKE YA BONE: TSHENYO/LESWE

Leswe le ka bewa fa mojakong wa kereke fa batho ba tsenang teng.
Batšha le bana ba Sekolo sa Sontaga ba ka taka ditshwantsho-kgolo ka ga leswe.
Go ka phepafadiwa lebala la kereke le mmila o kwa ntle morago ga tirelo-Modimo.
Phutego e dire maikano a go fokotsa tiriso ya polasititki ka fa go ka kgonagalang ka teng.

TSHIMOLOGO:

Jesu a re: " A go se nne le sepe se se senyegang" (John 6:12)

BOIKWATLHAO:

Tlhatlhanyang ka ga leswe, matlakala le dipolasitiki tse re di latlhelang fela gongwe le gongwe. Go senngwa dijo tse di kana kang?

KOLEKE

Morena Modimo,

Wena yo o selang masadisa gore go se ka ga senyega sepe.

Re tsibose mo go sa kgathaleleng sepe le go senya ga rona,

mme o re rute go abelana ka tse re nang natso ka bontsi mo gare ga rona.

Ka Jesu Keresete Morena wa rona. Amen.

Jesaya 24: 1-13	Tiro e nngwe le e nngwe ya rona e nale ditlamorago- utlwa selelo sa Lefatshe ka ntlha ya tshenyo ya rona.
Pesalome74: 1-23	Modimo ke ene Mmopi,mme re tshwanetse ra sireletsa Popo gore e seka ya senyega.
2 Bakorinthe 5: 14 - 17	Jaaka re le dibopiwa tse dintshwa mo go Keresete- re dumela mo go bopiweng sešwa le mo ntshwafatsong ya Lefatshe. Re nne batho ba ba tletseng tsholofelo. Phetogo e ya kgonagala.
Johanne 6: 1-15	Ka go fepa dikete di le tlhano tsa batho, mekgwa ya ga Jesu e ya bonagala: batho botlhe ba jele, ga gona se se latlhilweng, mme tse di setseng di fiwa ba ba di tlhokang go feta.

BEKE YA BOTLHANO: BOTSHELO KA MEFUTAFUTA (FRANCIS MOITSHEPI)

Gompiano re keteka bontle jwa Popo.
Bana ba Sekolo sa Sontaga ba ka potologa aletara ka ditshwantsho tsa tlholego ya Modimo.
Go ka nna le tshegofatso ya diphologolo.
Bashwa ba ka dira motshameko-tshwantshiso ka botshelo jwa ga Moitshepi Francis(botshelo jwa gagwe bo ne bo ka nna jang mo nakong ya gompiano?)

TSHIMOLOGO:

Gonne sengwe le sengwe se Modimo a se dirileng, se molemo (1 Tim 4;4,5)

BOIKWATLHAO:

Re lebelela ditshedi tsotlhe le dibopiwa tse di leng mo kotsing. Re akanya gape ka ga mekgwa ya rona ya temo-thuo, bogolo temo-thuo ya tiriso ya magala(battery). A re utlwe selelo sa dibopiwa tsa Modimo.

KOLEKE

Morena Modimo,

thata ya gago e sa khutleng e bonala mo bobing ba botshelo jotlhe.

Lentswe la gago le utlwala mo bontleng jwa Popo,

E re re tsetsepadiitse mo loratong lwa gago, re go obamele mmogo le dibopiwa tsotlhe tsa gago,

Ka Jesu Keresete Morena wa rona. Amen.

Numeri: 22: 22-35	Modimo o dirisa esele go bua.
Pesalome 104: 1-30	Modimo o fa diphologolo tsotlhe dijo, tota le tse di kgakala thata le batho.
Bakolose 1: 15- 23	Dilo tsotlhe di tlhodilwe ka Keresete, e bile dilo tsotlhe di pholositse ka Keresete- e seng batho fela.
Luka 6: 43-49	Ditlhare tse di molemo di ntsha maungo a a molemo. Tlholego e ka re ruta ka bo-semowa ba rona.

Translated by Father Pule Lekoka